

Тириклигингда вақтни ғанимат бил!

Image not found or type unknown



17:00 / 05.11.2021 2342

Бир подшоҳ бир киши қўлига сават тутқазиб: «Ушбу боғдаги мевалардан кеч киргунча териб чиқ!», деди. У одам боғга кирди. Биринчи қаторда ажойиб, бир-биридан ширин меваларни кўрди. Уни термоқчи бўлиб турганда ён қатордаги меваларни кўрди. Ушбу мевалар кўзига биринчи кўрганларидан чиройлироқ туюлди ва уни термоқчи бўлди. Энди тераман деганида уларнинг ёнида яна бошқа меваларга кўзи тушди ва теришни кечга қолдирди. Шу тариқа у бутун боғни айланиб чиқди. Меваларни кўриб: «Кейингисини терарман», деди. Кеч киргач, подшоҳ уни чақирди ва меваларни сўради, бироқ қўлидаги саватнинг бўшлигини кўрди. Ҳалиги одам подшоҳдан: «Бир марта имкон беринг, териб чиқаман», деди. Лекин подшоҳ унга берилган фурсат бир марта берилишини, қайтиб берилмаслигини айтди ва уни жазолади.

Бу ҳикояда аслида дунёнинг мисоли баён қилинган. Инсон дунёга алданиб қолгани учун яхши ишларни кечга суради. Эртага қиламан, индин қиламан, деб дунёдан ўтиб кетади. Шунинг учун барча инсон тирикликда ҳаракат қилиб қолиши керак.

Бизлар ҳам салафи солиҳларнинг ҳаёт йўлларини ўқиб-ўрганиб, улардан ибрат олишимиз, улар каби вақтимизни қадрлашимиз, вақтни зое қилмаслигимиз лозим.

Толиби илм фойдали китоблар, хусусан, мутақаддим уламоларнинг китобларини ўқишга ўч бўлиши лозим. Яна у ўз устозидан ажралмаслиги, вақтини қадрлаши ва уни илм йўлига сарф этиши ҳам керак.

Ибн Аббос розияллоҳу анҳумодан ривоят қилинади:

«Набий соллаллоҳу алайҳи васаллам: **«Икки неъмат борки, ундан кўпчилик инсонлар маҳрумдир. (Улар) саломатлик ва бўш вақт»,** дедилар.

Имом Бухорий ривояти.

Илмга ўч бўлиб, вақтни қадрлаган инсон ҳамиша ютади, дунё ва охирада улў даражага эришади.

«Раббоний уламолар» китоби асосида Хуршид Маъруф тайёрлади